

La smart home e fevele furlan in graciis dai students dal Bearzi

La classe 4EA e à fat un video tutorial che al sclaris cemût che une cjase cun implants tradizionâi e pues diventâ une cjase inteligjente.

La ARLeF e premie il progjet

Automatizâ une abitazion che e à un implant eletric tradizionâl cence fâ voris invasivis, al è pussibil. Darius Bughiu, Illan Lozia, Matteo Candusso e Davide Zamparo, students de classe 4EA – Setôr Eletric dal Centri di Formazion Professionâl Bearzi di Udin, lu àn contât intune video vuide bilengâl talian e furlan. Il filmât al è un imprest didatic che al funzione ben: al è stât creât dai arlêfs di vuê par che al resti a disposizion par chei di doman e si pues viodi inte pagjine dal progjet www.bearzi.it/smart-home

Propit pe sielte di realizâ un video in lenghe furlane, la ARLeF - Agenzie regionâl pe lenghe furlane e à volût ringraciâ i zovins cuntune targhe cul test *“Pal impegn te promozion de lenghe furlane”*. A àn consegnât il ricognossiment il president de Agenzie, Eros Cisilino e il diretôr William Cisilino. I students a jerin compagnâts dal diretôr dal CFP Bearzi, Giulio Armano e dal lôr coordinadôr prof. Edoardo Berini.

Ai fantats e al lôr coordinadôr ur va il merit di vê volût fâ la version par furlan di un video tutorial che al spiege cemût realizâ une smart home, ven a stâi une abitazion evolude là che dispositîfs tant che crics, lampadinis e termostats a interagjissin fra di lôr midiant di un protocol di comunicazion wireless. Chest sisteme al permet di slargjâ lis funksions dal implant tradizionâl e di scambiâ dâts ancje fûr di cjase in graciis de conession cu la rêt. Tal complimentâsi cui students, il president de ARLeF al à volût marcâ in particolâr cemût che *«iniziativis come cheste a interpretin te maniere miôr il spirt che la Agenzie e dore tal sostignî e promovi l'ûs dal furlan. Une lenghe vive, buine di fevelâ ai zovins e di compagnâju intai procès di formazion e di cualificazion professionâl ancje intai setôrs des tecnologjiis inovativis»*.

Al CFP Bearzi si lavore propit par jessi simpri al pas cul mont dal lavôr, cirint in mût costant gnovis strategjiis par cjapâ dentri i arlêfs. Come che al à marcât il coordinadôr Edoardo Berini *«Il progjet "Smart Home" al nas de idee di fâur tocjâ cun man ai fantats lis tecnologjiis che vuê a caraterizin il marcjât. Un progjet pussibil graciis ae poie de associazion dai ex arlêfs e in colaborazion cu la ARLeF che e à fat in maniere di dâi une anime teritoriâl ae inovazion. Intal mont des instalazions eletrichis, il furlan al è une lenghe*

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: arlef@caltpr.it

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<

vive e tant doprade e il nestri obietîf al è chel di formâ professioniscj preparâts e cussients de lôr identitât».

Udin, ai 24 di Març dal 2026

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / **e-mail: arlef@caltpr.it**

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<